

LUTIONS D.O.O., odnosno protivtužbi Općine Trnovo u istom postupku.

Član 2.

Predmet sudskog spora bio je tužbeni zahtjev od strane GREEN ENERGY SOLUTIONS D.O.O. usmjeren na utvrđenje i protivtužbeni zahtjev Općine Trnovo usmjeren na naknadu štete.

Presudom Općinskog suda u Sarajevu br. 65 0 Ps 679991 17 Ps od 08.02.2019. godine odbijeni su i tužbeni i protivtužbeni zahtjev u cijelosti.

Član 3.

GREEN ENERGY SOLUTIONS D.O.O. je putem svog punomoćnika uputio ponovnu Ponudu za mirno rješenje spora dana 26.02.2019. godine.

Član 4.

Općina Trnovo prihvata Ponudu za mirno rješenje spora te je saglasna da se temeljem ove Odluke a u skladu sa dokumentima iz spisa predmeta sa GREEN ENERGY SOLUTIONS D.O.O. zaključi Sporazum o vansudskoj nagodbi i sticanju prava vlasništva kojim će se definisati obaveze ugovornih strana.

Član 5.

Općina Trnovo je saglasna da se GREEN ENERGY SOLUTIONS D.O.O. upiše kao vlasnik i posjednik nekretnina označenih kao k.č. 3008/59 i k.č. 3008/64 obje k.o. PRESJENICA na osnovu Sporazuma o vansudskoj nagodbi i sticanju prava vlasništva nakon što Općina Trnovo izda Potvrdu o izmirenim obavezama za obje nekretnine u ukupnom iznosu od 309.794,80 KM.

Član 10.

Ovlašćuje se Općinski načelnik da u ime Općine Trnovo sa GREEN ENERGY SOLUTION D.O.O. slijedom ove Odluke i pratećih akata zaključi notarski obrađen Sporazum o vansudskoj nagodbi i sticanju prava vlasništva u roku od 7 dana od dana pribavljanja pozitivnog mišljenja Pravobranilaštva Općine Trnovo.

Član 11.

Ova Odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-1684/19  
13. marta 2019. godine  
Trnovo

Predsjedavajuća  
Općinskog vijeća Trnovo  
Emina Mehmedagić, s. r.

Odluka objavljena na oglasnoj ploči Općine Trnovo dana 13.03.2019. godine.

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06), članova 24. i 117. Statuta Općine Trnovo ("Službene novine Kantona Sarajevo", broj 12/08), i Odluke o izvršavanju budžeta Općine Trnovo za tekuću godinu, Općinsko vijeće Trnovo, na 17. redovnoj sjednici održanoj 13.03.2019. godine, donijelo je

## PRAVILNIK

### O STIPENDIRANJU UČENIKA I STUDENATA

Član 1.

Ovim Pravilnikom utvrđuju se osnove, način, kriteriji i postupak za ostvarivanje prava na dodjelu općinske stipendije učenicima u srednjoškolskom obrazovanju i studentima u visokoškolskom obrazovanju, koji se redovno školuju i koji imaju prebivalište na području općine Trnovo.

Član 2.

O stipendiranju učenika i studenata iz člana 1. ovog Pravilnika staraju se Služba za opću upravu, društvene djelatnosti, boračku, dječiju i socijalnu zaštitu i Služba za privredu, finansije i lokalni ekonomski razvoj Općine Trnovo.

Služba za opću upravu, društvene djelatnosti, boračku-invalidsku, dječiju i socijalnu zaštitu će:

- sačiniti tekst Konkursa;
- zaprimati prijave na Konkurs;
- obezbijediti potrebne uslove za rad Komisije za provođenje Konkursa;
- nakon izvršenog izbora kandidata po odluci Općinskog načelnika nastaviti sve dalje aktivnosti vezane za sprovođenje odluke o izboru;
- pratiti realizaciju zaključenih pojedinačnih Ugovora o stipendiranju.

Služba za privredu, finansije i lokalni ekonomski razvoj će:

- vršiti doznaku sredstava stipendistima putem ovlaštene poslovne banke.

Član 3.

Po utvrđenim i odobrenim godišnjim sredstvima u budžetu Općine Trnovo za stipendiranje učenika i studenata iz člana 1. Pravilnika, ukupna sredstva se procentualno dodjeljuju za:

- redovno školovanje učenika u . . . . . 40%
- redovno školovanje studenata na visokoškolskim ustanovama . . . . . 60%

Raspodjela sredstava može, po potrebi, biti i drugačija, u zavisnosti od broja prijavljenih kandidata za dodjelu stipendija za pojedine vrste školovanja, o čemu odlučuje Općinski načelnik.

Član 4.

Izbor kandidata za stipendiranje vrši se na osnovu prijave na Konkurs.

Općinski načelnik raspisuje Konkurs i imenuje Komisiju za provođenje Konkursa (u daljem tekstu: Komisija).

Konkurs sadrži:

- uslove i kriterije koje kandidati moraju ispunjavati;
- naznaku školske/akademske godine za koju se dodjeljuje;
- broj mjeseci za koje se stipendija dodjeljuje i njen mjesečni iznos;
- rok za podnošenje prijave;
- potrebne isprave koje se prilažu uz prijavu na konkurs;
- adresu ili druge podatke (fax, e-mail) na koju se prijava na konkurs može podnijeti i
- druge eventualno potrebne podatke.

Konkurs se objavljuje na zvaničnoj Web stranici i oglasnoj ploči Općine Trnovo.

Rok za podnošenje prijave na Konkurs za dodjelu stipendije iznosi 15 (petnaest) dana od dana objavljivanja.

Član 5.

U sastav Komisije imenuju se:

- 1 predstavnik Općinskog vijeća Trnovo,
- 1 predstavnik Službe za opću upravu, društvene djelatnosti, boračku-invalidsku, dječiju i socijalnu zaštitu i
- 1 predstavnik Službe za privredu, finansije i lokalni ekonomski razvoj.

Izbor kandidata vrši Općinski načelnik na osnovu prijedloga Komisije, u skladu sa kriterijima utvrđenim ovim Pravilnikom.

Član 6.

Svaki učesnik u konkursu mora biti pismeno obaviješten o rezultatima izbora, najkasnije u roku od 15 dana od dana izbora.

Spisak svih izabranih kandidata za stipendiranje objavljuje se na oglasnoj ploči Općine Trnovo.

Odluka Općinskog načelnika o izboru kandidata za stipendiranje je konačna.

Član 7.

Pravo učešća na konkursu za dodjelu stipendije imaju redovni učenici srednjih škola i redovni studenti visokoškolskih ustanova (studijski program I i II ciklusa) koji prvi put upisuju školsku/akademsku godinu, a imaju prebivalište na području općine Trnovo ne manje od 6 mjeseci, uz uslov da nisu korisnici stipendija drugih organa ili institucija.

Član 8.

Broj bodova se utvrđuje na osnovu slijedećih kriterija:

a) po osnovu uspjeha

1. Učenicima prvog razreda srednje škole
  - sa prosjekom ocjena u IX razredu osnovne škole 3 (dobar) . . . . . 5 bodova
  - sa prosjekom ocjena u IX razredu osnovne škole 4 (vrlodobar) . . . . . 10 bodova
  - sa prosjekom ocjena u IX razredu osnovne škole 5 (odličan) . . . . . 15 bodova
2. Učenicima drugog i narednih razreda srednje škole
  - sa prosjekom ocjena iz prethodnog razreda 3 (dobar) . . . . . 5 bodova,
  - sa prosjekom ocjena prethodnog razreda 4 (vrlodobar). . . . . 10 bodova
  - sa prosjekom ocjena iz prethodnog razreda 5 (odličan) . . . . . 15 bodova,
3. Studentima prve godine studija:
  - sa prosjekom ocjena završnog razreda srednje škole 3 (dobar) . . . . . 5 bodova
  - sa prosjekom ocjena završnog razreda srednje 4 (vrlodobar). . . . . 10 bodova
  - sa prosjekom ocjena završnog razreda srednje 5 (odličan) . . . . . 15 bodova
4. Studentima druge i narednih godina studija,
  - sa prosjekom ocjena iz prethodne godine 6 (šest) . . . . . 5 bodova
  - sa prosjekom ocjena iz prethodne godine 7 (sedam) . . . . . 8 bodova
  - sa prosjekom ocjena iz prethodne godine 8 (osam) . . . . . 10 bodova
  - sa prosjekom ocjena iz prethodne godine 9 (devet) . . . . . 15 bodova

b) po osnovu boračkog statusa (djeca RVI i dobitnika ratnih priznanja)

- djeca ratnih vojnih invalida do 60% . . . . . 3 boda
- djeca ratnih vojnih invalida preko 60% . . . . . 6 bodova
- djeca dobitnika ratnih priznanja . . . . . 6 bodova

c) po osnovu socijalnog statusa

- primanja po članu domaćinstva preko 200,00 KM . . . . . 3 boda
- primanja po članu domaćinstva od 150, do 200, KM . . . . . 6 bodova
- primanja po članu domaćinstva od 100,00 do 150,00 KM . . . . . 9 bodova
- primanja po članu domaćinstva ispod 100,00 KM. . . . . 12 bodova

d) Učenici i studenti koji imaju boravište na području općine Trnovo, uz potvrdu mjesne zajednice ..... 15 bodova

Član 9.

Stipendija bez bodovanja dodjeljuje se:

- učenicima i studentima bez oba roditelja,
- učenicima i studentima koji su djeca šehida ili poginulih boraca
- učenicima čiji je prosjek ocjena u relevantnim školskim godinama 5,00
- studentima čiji je prosjek ocjena u relevantnim akademskim godinama iznad 9,00

Član 10.

U jednoj školskoj/akademskoj godini iz jednog domaćinstva može biti najviše jedan korisnik općinske stipendije.

Izuzetno, pravo na stipendiju ima dvoje ili više djece istog domaćinstva, ako ukupna mjesečna primanja svih članova domaćinstva ne prelaze iznos prosječne plaće isplaćene u FBiH prema posljednjem objavljenom statističkom podatku, uz ispunjavanje ostalih uvjeta iz Pravilnika.

Član 11.

Stipendije se isplaćuju za jednu školsku/akademsku godinu i isplaćivat će se 10 (deset) mjeseci.

Član 12.

Visina mjesečne stipendije iznosi:

- za učenike srednjih škola . . . . . 80.00 KM
- za studente društvenih smjerova . . . . . 100.00 KM
- za studente tehničkih i medicinskog smjera . 120.00 KM

Član 13.

Studenti koji su apsolvirani ne mogu konkurisati za stipendiju, niti će njihove prijave biti uzete u razmatranje.

Član 14.

Prava i obaveze i druga pitanja o dodjeli i korištenju stipendije regulisati će se preciznije zaključenim Ugovorom između odabranog stipendiste i Općinskog načelnika.

Ugovor o stipendiranju sadrži: ime i prezime učenika ili studenta, njegov JMBG, ime i prezime roditelja (staratelja) i njegovu tačnu adresu, broj telefona, JMBG roditelja (staratelja), naziv škole/fakulteta i međusobna prava i obaveze učenika ili studenta i Općine Trnovo.

Ugovor o stipendiranju potpisuju učenik ili roditelj (staratelj) maloljetnog učenika, odnosno student s jedne strane i Općinski načelnik s druge strane.

Član 15.

Stipendije su nepovratne ukoliko stipendisti redovno ispunjavaju svoje ugovorne obaveze.

Učenik, ili roditelj (staratelj) učenika i student koji je potpisnik Ugovora o stipendiranju dužan je da izvrši povrat cjelokupan iznos sredstava, uz pripadajuću zakonsku kamatu, u roku od godinu dana, koje je primio za stipendiranje po osnovu ovog Pravilnika u slučaju ako napusti redovno školovanje ili ako izgubi pravo na dalje školovanje iz neopravdanih razloga.

Općinski načelnik će putem Službe za opću upravu, društvene djelatnosti, boračku-invalidsku, dječiju i socijalnu zaštitu i Službe za privredu, finansije i lokalni ekonomski razvoj, obezbijediti kontrolu provođenja odredbi Ugovora i po potrebi pokretati postupke za raskid Ugovora i nadoknadu sredstava.

Član 16.

Općinski načelnik ima pravo da obustavi isplatu stipendije shodno uslovima po osnovu Pravilnika i u slučaju nedostatka finansijskih sredstava u budžetu Općine Trnovo planiranih za ovu namjenu, o čemu će korisnici stipendija biti pismeno obaviješteni.

Član 17.

Ovaj pravilnik stupa na snagu danom objavljivanja na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Stupanjem na snagu ovog pravilnika prestaje da važi Pravilnik o stipendiranju učenika i studenata br. 14/18.

Broj 01-38-1688/19                      Predsjedavajuća  
13. marta 2019. godine                Općinskog vijeća Trnovo  
Trnovo                                        **Emina Mehmedagić, s. r.**

Pravilnik objavljen na oglasnoj ploči Općine Trnovo dana 13.03.2019. godine.

Na osnovu člana 12. Odluke o priznanjima i nagradama Općine Trnovo ("Službene novine Kantona Sarajevo", broj 14/18), Općinsko vijeće Trnovo, na 17. sjednici održanoj 13.03.2019. godine, donosi